

孫真人千金方衍義卷十四

長洲張璐路玉著

南沙席世臣郢客校

小腸腑方

凡七類

小腸腑脈論第一

論一首

論曰小腸腑者主心也舌是其候也心合於小腸小

腸者受盛之腑也號監倉吏重二觔十四兩長二丈

四尺廣二寸四分

難經甲乙云長三丈二尺大後附二寸半徑八分分之少半也

脊左回疊積其注於回腸者外傳臍上回運環反十

六曲常留水穀二斗四升其一斗二升是水一十二



升是穀應主二十四氣也難經六十六曲盛穀二斗四升水六升三合合之

半甲乙云受三斗脣厚人中長以候小腸小腸病者

三合合之太半小腹痛腰脊控睪而痛時窘乏復耳前熱若寒甚獨

肩上熱及手小指次指之間熱若脈滑者脈經作陷甲乙亦同

此其候也

小腹控睪引背脊上衝心邪在小腸連睪者系屬於

脊貫肝肺絡心系氣盛則厥逆上衝腸胃動肝肺散

於盲結於臍故取之盲原以散之刺太陰以與之取

厥陰以下之取巨虛下廉以去之按其所過之經以

調之



左手關前寸口陽絕者無小腸脈也若臍痺小腹中有疝瘕主月卽冷上搶心刺手心主治陰心主在掌後橫文中入一分

左手關前寸口陽實者小腸實也若心下急熱痺小腸內熱小便赤黃刺手太陽治陽手一太陽在手小指外側本節陷中

小腸有寒心下重便膿血有熱必痔

小腸有宿食常暮發熱明復止

小腸脹者小腹臘脹引腹痛

心前受病移於小腸心咳不已則氣與咳俱出



厥氣客於小腸夢聚邑街衢

心應皮皮厚者脈厚脈厚者小腸厚皮薄者脈薄脈薄者小腸薄皮緩者脈緩脈緩者小腸大而長皮薄而脈沖小者小腸小而短諸陽經脈皆多紆屈者小腸結

扁鵲云手少陰與太陽爲表裏所以表清裏濁清實濁虛故食下腸實而胃虛故腑實而不滿實則傷熱熱則口張口爲之生瘡虛則傷寒寒則便泄膿血或發裏水其根在小腸先從腹起方見治水篇中

小腸絕不治六日死何以知之髮直如乾麻不得屈

伸自汗不止一手太陽之脈是動則噎痛頷腫不可
以顧肩似拔孺似折是主液所生病者耳聾目黃頷
頷腫頸肩臑肘臂外後廉痛

經脈支別已見心臟門中

小腸虛實第二

脈二首方三首灸法二首

小腸實熱

左手寸口人迎以前脈陽實者手太陽經也病苦身
熱來去汗不出心中煩滿身重口中生瘡名曰小腸

實熱也

柴胡澤瀉湯

治小腸熱脹口瘡方

柴胡

澤瀉

橘皮

一作桔梗



黃芩

枳實

旋覆花

升麻

芫硝各三兩

生地黄切一升

右九味咬咀以水一斗煮取三升去滓內硝分

服

衍義

小腸腑充受盛職司化物而行君主之令統三焦

之權以握中外之機中氣盛則大氣敷布出內有

常中氣衰則清濁不分泄利無度火性易起易滅

滅則四大分崩起則一身擾亂如柴胡澤瀉湯首

治火氣外擾脹口瘡故以升柴升散於上旋橘

開發於中芩澤分利於前硝黃蕩滌於後四通分

泄其源庶免遷延之患然恐藥力過峻卽以地黃
保護心包不使熱邪干犯九五也

大黃九 治小腸熱結滿不通方

大黃

芍藥

葶藶

各三兩

大戟

朴硝

各二兩

巴豆

七枚

杏仁

五十枝

右七味爲末蜜和丸如梧子飲服七丸小兒服二
三九日二熱去日一服

衍義

熱結不通不用承氣陷胸者以小腸雖居下位治
節却在中上二焦故取葶藶專攻心下逆滿杏仁



中國醫藥大學圖書館版權所有

開發肺氣於上硝黃蕩滌痰垢於下杏仁力綿更
借備急丸中巴豆以佐之硝黃性下復採十棗湯
中大戟以激之芍藥一味專護營血卽柴胡澤瀉
湯中用地黃之意

灸法

小腸熱滿灸陰都隨年壯穴在俠中脘兩邊相去一
寸是

小腸泄痢膿血灸橫舍一百壯小兒減之穴在俠臍
兩邊相去各一寸又灸小腸腧七壯

小腸虛寒

左手寸口人迎以前脈陽虛者手太陽經也病苦顙際偏頭痛耳頰痛名曰小腸虛寒也

治小腸虛寒痛下赤白腸滑胸中懊懣補之

乾薑 三兩

當歸

黃蘗

地榆 各四兩

黃連

阿膠 各二兩

石榴皮 三枚

右七味咬咀以水七升煮取二升五合去滓下膠

煮取膠烱盡分三服

衍義

利下赤白而見胸中懊懣虛煩滑脫可知駐車丸

中薑連以導虛熱歸膠以和營血參入黃蘗以堅



中國醫藥大學圖書館版權

腸滑地榆樗皮以固血脫也

舌論第三

論一首

論曰舌者心主小腸之候也善用機衡能調五味凡有所啖若多食鹹則舌脈凝而變色多食苦則舌皮稿而外毛焦枯多食辛則舌筋急而爪枯乾多食酸則舌肉肥而脣揭多食甘則舌根痛而外髮落又曰心欲苦肺欲辛肝欲酸脾欲甘腎欲鹹此五味內合五臟之氣也若臟熱則舌生瘡引脣揭赤若腑寒則舌本縮口噤脣青寒宜補之熱宜瀉之不寒不熱依臟腑調之

風眩第四

論一首

方九首

食禁一首

前卷既有頭面風方風眩不當分出蓋以此是徐

嗣伯方不可以餘方相雜故此特立風眩方條專

出徐氏方焉

徐嗣伯曰余少承家業頗習經方名醫要治備聞之
矣自謂風眩多途諸家未能必驗至於此術鄙意偏
所究也少來用之百無遺策今年將衰暮恐淹忽不
追故顯明證論以貽於後云爾

夫風眩之病起於心氣不定胸上蓄實故有高風面
熱之所爲也痰熱相感而動風風火相亂則悶瞀故

謂之風眩大人曰癰小兒則爲癰其實則一此方療
治萬無不愈但恐證候不審或致差違大都忌食
二屬肉而奔豚爲患發多氣急氣急則死不可救
此二湯是輕重之宜勿因此便謂非患所治風眩湯
散丸煎共有十方凡人初發宜急與續命湯因急時
但度灸穴便火鍼鍼之無不瘥者初得鍼竟便灸最
良灸法次列於後余業之以來三十餘年所救活者
數十百人無不瘥矣後人能曉此方幸勿叅以餘術
焉

續命湯 治風眩發則煩悶無知口沫出四體角



弓目反上口噤不得言方

竹瀝一升半

生地黃汁一升

龍齒

生薑

防風

麻黃各四兩

防己三兩

石膏七兩

桂心二兩

附子三分

右十味咬咀以水一斗煮取三升分三服有氣加

附子作一兩紫蘇子五合橘皮半兩已服續命湯

口開四肢尚未好定而心中尚不除者紫石湯主

之方見後紫石煮散是也

義衍諸續命湯衍義已見前八卷諸風門中此續命方



南京中医药大学图书馆版权所有

治風眩煩悶但取麻黃防風桂心附子石膏生薑
六味開拓表裏陰陽調適經府寒熱乃加竹瀝以
治經絡四肢膜外之痰地黃以治周身臟腑癰瘡
之血龍齒以治驚癇諸瘧癰疾狂走防已以治
風攣急風熱諸癰服後口開肢廢癰瘡不除者服

紫石散即金匱附方除熱癰風引湯是也

黃豚湯 治氣奔急欲絕方

吳茱萸升一

石膏

人參

半夏

芍藥各三

桂心

芍藥

生薑各四

生葛根

茯苓

各十分

當歸

四兩

李根皮

一斤

右十二味咬咀以水七升清酒八升煮取三升分

三服

衍義

奔豚湯金匱主治氣上衝胸往來寒熱奔豚雖屬

腎積而實衝脈爲病氣上衝胸者陰邪上逆也往來寒熱者邪正交爭也衝主血故以芎歸芍藥和其瀦積之血半夏生薑滌其堅積之痰葛根以通津液李根以降逆氣並未嘗用少陰之藥設泥奔豚爲腎積而用伐腎之劑謬之甚矣嗣伯治風眩氣奔欲絕故以桂苓祛風人參壯氣茺萸降逆石

膏開泄旺氣爲之必需金匱治奔豚寒熱正常用
等味而反不用乃以甘艸和腹痛黃芩解寒熱者
以有形之滯不能速除不若緩攻爲得也設其人
元氣委頓奔豚固結進用此方未爲不可

防已地黃湯 治言語狂錯眼目霍霍或言見鬼

精神昏亂方

防已

甘艸

各二兩

桂心

防風

各三兩

生地黄

五斤別切勿合藥漬疾輕小一斤

右五味咬咀以水一升漬一宿絞汁著一面取滓

著竹簣上以地黃著藥滓上於五斗米下蒸之以

〔義衍〕

銅器承取汁飯熟以向前藥汁合絞取之分再服
此治風眩病言語狂錯精神昏亂與金匱治病如
狂狀獨語不休皆驚痰堵塞於心包亂其神識所
致故以防已逐其痰氣防風瀉其木邪桂心通其
關竅地黃安其本神甘艸專和桂心地黃寒熱之
性也

薯蕷湯

治心中驚悸而四肢緩頭面熱心胸痰

滿頭目眩冒如欲搖動方

薯蕷

麥門冬

人參

各四兩

芍藥

生地黃

前胡

各八分